

# Rapport da quen e gestiun 2025

dalla  
Pleiv catolica  
Medel/Lucmagn



**Val Medel, avrel 2026**

## **Cuntegn**

Invitaziun alla radunonza generala 2025	pg. 02
Tractandas	pg. 02
Protocol dalla davosa radunonza extraordinaria dils 16 da zercladur 2025	pg. 03
Rapport da gestiun 2025	pg. 06
Autoritads dalla pleiv	pg. 11
Stan da facultad dallas capluttas 2025	pg. 12
Rendaquen 2025	pg. 13
Rapport dils revisurs	pg. 17
Preventiv 2026	pg. 18
Plan da lavur 2026	pg. 20



## **Invitaziun**

**alla radunonza generala dalla pleiv Medel/Lucmagn,  
gievgia, ils 7 da matg 2026, allas 20.00 uras  
ella medelina a Curaglia**

Nus publichein il rapport da quen e gestiun sin nossa pagina da casa :  
<https://www.medel.ch/pleiv/beinvegni>. Ins anfla tal denton era en baselgia ni sin canzlia  
(naven dils 20 avrel). La versiun digitala saveis dumandar sut [pleiv.medel@gmail.com](mailto:pleiv.medel@gmail.com).

### **Tractandas**

1. Avertura
2. Nominaziun d'inA dumbravuschs
3. Approbaziun dalla gliesta da tractandas
4. Approbaziun dil protocol dalla radunonza extraordinaria dils 16 da zercladur 2025
5. Communicaziuns
6. Activitads per 2026
7. Elecziuns
  - presidentA
  - assessurAs
  - deputau/deputada el parlament dalla Baselgia catolica Grischun
8. Rendaquen 2025
  - a.) Rapport annual dil cassier
  - b.) Rapport dils revisurs ed approbaziun dil quen 2025
9. Presentaziun ed approbaziun dil preventiv 2026
10. Fixar il pei da taglia pigl onn 2026
11. Varia

Val Medel, mars 2025  
Per la pleiv da Medel/Lucmagn  
La suprastonza



Pleiv catolica  
Medel/Lucmagn

### **Protocol**

**dalla radunonza generala extraordinaria dalla pleiv Medel/Lucmagn,  
gliendisdis, ils 16 da zerclaur 2025, allas 20.00 uras  
ell'aula dalla scoletta a Curaglia**

#### **Tractandas**

12. Avertura
13. Nominar inA dumbravuschs
14. Approbar dil protocol dalla davosa radunonza generala
15. Approbar la gliesta da tractandas
16. Decider davart il contract dalla regiun pastorala da Tujetsch, Mustér e Medel
17. Varia

#### **1. Avertura**

*Il cassier Emil Pally fa in cordial beinvegni als 11 parochians ed a ses treis consuprastonts.*

*Perstgisas: Sur Giusep e Petronella Meier-Spescha*

#### **2. Nominar inA dumbravuschs**

*La raspada elegia Werner Venzin sco dumbravuschs.*

#### **3. Approbar la gliesta da tractandas**

*Ils parochians approbeschan unanimamein la gliesta da tractandas.*

#### **4. Approbar il protocol dalla radunonza generala dils 10 d'avrel 2025**

*Il protocol ei staus publicaus sin canzlia ni en baselgia. Ulteriuramein ha mintginA saviu dumandar il protocol per email. La raspada approbescha il protocol unanimamein cun engraziar als protocollist Gabriel Venzin-Marty.*

#### **5. Decider davart il contract dalla regiun pastorala da Tujetsch, Mustér e Medel**

*Dapi il 2018 ei il tema d'ina regiun pastorala vegnius menziunaus. Las treis pleivs ein semessas a meisa ed han adina puspei tematisau quei tema. Ils dus davos onns ei il project vegnius pli concrets. Suenter bia discussiuns e sedutas ei la problematica dallas finanzas aunc restada. La davosa seduta dils sis da matg ei vegnida tgamunda da nies vicari general sur Peter Camenzind e da dunna Flurina Cavegn digl ordinariat da Cuera. Lur mediaziun ha menau alla sligiaziun ch'ei ussa semtgada da vegnir approbada dalla pleiv da Medel.*

*La pleiv da Mustér e da Tujetsch han gia decidiu da collavurar en ina regiun pastorala naven dils 1.8.2025.*

*La suprastonza dalla pleiv da Medel/Lucmagn ha decidiu da far part dalla regiun pastorala dalla Sursassiala che va en vigur igl empram d'uost 2025. Ils parochians e las parochianas*

survegnan la pusseivladad da sediscuorer questa sera e da decider.

**Igl intent** ei che las treis pleivs dalla Sursassiala secolligien per organisar ils fatgs dallas messas, dalla liturgia e dalla pastoraziun. Quei vegn organisau digl augsegner da Mustér e d'ina persuna d'assistenza pastorala. Ils survetschs duein succeder risguardond la grondenzia dallas pleivs e da lur participaziun finanziala.

La regiun pastorala vegn organisada **creond** ina cumissiun administrativa pils fatgs administrativs. Tala vegn tgamunada dil president dalla pleiv da Mustér e vegn secundada d'in representant da Tujetsch e da Medel.

Il spiritual da Mustér ei **augsegner-menader** dalla regiun pastorala.

Per saver pastorar ellas treis pleivs enquera la regiun pastorala **emploiai** per collavurar ella pastoraziun, per organisar la liturgia, per scolaziun da carschi, per luvrar culs giuvenils, cullas differentas gruppas, sustener la veta religiosa e sustener ils catechets e las chatechetas. Igl augsegner ei persuna da contact persuenter. Per fatgs administrativs ei il president dalla cumissiun administrativa responsabels.

La regiun pastorala va en vigur cun igl emprend d'uost 2025. La piazza dall'assistenza pastorala ei dotata cun in **engaschi** da 30%. Rilana Cadruvi ei vegnida elegida en quei post. Ils partenaris intendan da slargiar il pensum a 80%.

Ils **cuosts** cumpeplan: tuttas pagas dils emploiai, las prestaziuns socialas, tscheins per la casa pervenda, tscheins per auter persunal, spesas, cuosts decidi dalla cumissiun d'administraziun. Mintga pleiv paga 1/3 da 10% dils cuosts totals. Ils cuosts restonts vegnan reparti tenor il diember dils parochians.

Il **secretariat** da Mustér ei responsabels d'administrar ils pensums che sedattan dalla collavuraziun, dils cuosts e dil contact culs emploiai.

Mintga pleiv ei sezza responsabla pils fatgs da **ductrina**.

Il contract **cuoza** treis onns e sa pér suenter vegnir visaus. Las partidas secunvegnan d'analisar silsuenter il contract e da discuorer da midadas.

Suenter quellas informaziuns setschenta la damonda **tgei che la regiun pastorala cuosti a nossa pleiv?** La regiun pastorala procura per Medel ella sitauziun actuala che dunna Cadruvi ei engaschada per 30% cuosts da ca. frs. 16'600.-. Cu la piazza dall'assistenza pastorala vegn alzada (tenor declaronza dils pertuccai sin 80%) sesaulzan ils cuosts sin ca. frs. 25'000.-. La suprastonza dalla pleiv ei sefatschentada culla damonda schebein nus vegnien da prestar quei. L'analisa muossa che nus savein far cun quels cuosts calculai in pign gudogn e che nus savein financiar nossas expensas annualas ordinarias.

### **Discussiun**

Ils presents prendan la caschun da tschentar damondas e d'ofniar il meini. Cheusut ina resumaziun:

- Nus duessien ughegiar quei pass en direcziun dalla collavuraziun beinsavend che buca tut seigi calculabel. Tuttas pleivs hagian da sbatter cun problems semeglionts ed era sch'ei exista ina certa resca eis ei bien da crear quella regiun pastorala.
- La damonda schebein ei drovi aunc in secretariat intern, che vegn ussa tgamunaus da nossa secretaria Petronella Meier-Spescha, vegn rispundida dalla suprastonza cun gie

*menziunond ch'ella segidi vinavon internamein. La suprastonza analyseschi la situaziun ed adatteschi il pensum e la paga leusunter tenor basegns.*

- *Ils parochians vulan saver sch'ei drovi aunc ina grupp liturgica medelina. La suprastonza menziunescha la buna lavur da tala e che nus giavischien fermamein ch'ella continueschi. Quei giavisch vein nus era deponiu a Mustér.*
- *Co va ei vinavon cun las perdanonzas els vitgs ed uclauns? La suprastonza sincerescha ch'ella s'engaschi fetg da mantener quei usit e da far messa quei di mintgamai el vitg ni uclaun. Era quei giavisch vein nus a Mustér.*

**Decisiun:**

*La radunonza extraordinaria dalla pleiv da Medel decida unanimamein da separticipar alla Regiun pastoral Sursassiala cun incaricar la suprastonza da suttascriver il contract.*

**6. Varia**

- *Ils 31 d'uost ha liug ad Acla ina messa commemorativa per las unfrendas dallas lavinias da 1975. Silsunter organisein nus mintg'onn ina messa mintgamai da quei temps ad Acla.*
- *La sentupada da tuts officials ha liug ils 22 d'uost 2025 a Stagias.*
- *Il Ciprian Giger ei en funcziun sco archivar dalla pleiv. Beinsavend che la vischnaunca ponderescha tgei far culla scola da Platta che dat suttetg agl archiv sto tal vegnir disloccaus. Sin l'informaziun dalla vischnaunca sa nies archiv vegnir disloccaus egl archiv communal. Quei vegn en damonda cu la sanaziun externa dalla casa ei finida.*

*Nies cassier Emil Pally engrazia a tuts e giavischa in bien retuorn a casa.*

*Val Medel, ils 17.6.25*

*Gabriel Venzin-Marty*

## **RAPPORT DA QUEN E GESTIUN 2025**

Preziadas parochianas  
Prezias parochians

In onn da gestiun ei vargaus e nus vulein rapportar da quei onn 2025 e da sias activitads. Nossa communitad ei ina pintga, buns gidonters segidan dapertut ed ei funcziuna detg bein en nossa pleiv. Nus encurin vinavon mauns segideivels, ella lavur en pleiv ed en suprastonza. Tala ei pintga ed a quels paucs tonscha ei buca da far tut il giavischau. Aschia ei era il rapport pli cuorts che usitau.

### **Survetschs divins – Regiun pastorala Sursassiala**

Dapi igl uost 2025 ei la Regiun pastorala Sursassiala en acziun. Ella organisescha la liturgia en tuttas treis pleivs e reparta las messas. La Regiun pastorala ha saviu pladir ina assistenta pastorala en in pensum da 30%. Rilana Cadruvi ei motivada e porta niev slonsch en nies miez. Nus admittein in special Dieus paghi ad ella per sia bunaveglia, per siu engaschi professional e fetg amicabel. Nossa gruppa liturgica medelina che secumpona dall'Evelina Giger, dall'Alice Deragisch e dil Ciprian Giger ei stada engaschada cun anim. La gruppa vegn cusseglia da sur Giusep. La pleiv medelina admetta in sincer engraziament per siu bien engaschi. Ils survetschs divins digl onn 2025 ein vegni celebrai ulteriuramein da sur Giusep, sur Alexi e da sur Mathew. Nus survegnin era bien sustegn dalla claustra. Aschia astgein nus beneventar regularmein in pader dalla claustra en nossa pleiv.

La pleiv da Medel ei fetg satisfatga da quella nova structura ed engrazia als responsabels dallas pleivs da Mustér e da Tujetsch grondamein pigl engaschi en favur da quella sligiazion communabla.

Sco praticau igl onn vargau vein nus puspei schau far messa da pardanonza els uclauns. Quei a Pardé, Soliva, Mutschnengia e Fuorns.

### **Gruppa da seniors**

Nossa gruppa da seniors ei stada fetg activa. Maria-Tresa Venzin da Curaglia e Paulina Giger da Pardé fan part da tala. Ellas visetas nossas senioras e nos seniors che han siatontatschun onns ni dapli. Differentas persunas ein secasadas ord la val ellas casas da tgira ed attempai dalla regiun ed autras ein aunc adina a casia. Nossa gruppa da seniors ha visitau tuts da lunsch e damaneivel. Ver trenta visetas ein stadas sil program igl onn 2025. Ils resuns ein fetg positivs, la viseta vegn schazegiada ed ins dat bugen ina paterlada sur dil vargau. Tenor il rapport dallas duas responsablas vegnan mo paucas damondas da far visetas snegadas. Quei ei in mussament che la purschida vegn schazegiada fetg. La pleiv da Medel engrazia grondamein allas Maria-Tresa ed alla Paulina.

### **Engaschis en nossa pleiv**

La suprastonza engrazia grondamein a tuts augsegners, tuts officials ed a tuts gidonters che s'engaschan en nossa pleiv. Communablamein eis ei reussiu d'organisar flot ils fatgs en nossa pleiv.

## **Nossa gruppa liturgica**

La gruppa liturgica secumpona d'Alice Deragisch da Curaglia, dad Evelina Giger da Curaglia e da Ciprian Giger da Pardé. Els ein responsabels per ils survetschs divins dil plaid e per enqual devoziun. Ils parochians e las parochianas engrazian ad els mintgamai cun la buna preschientscha en baselgia. Lur engaschi ei beinvesius ed ei era previus ella Regiun pastorala ch'exista dapi igl uost. Igl augsegner Sur Mathew, l'assistenta pastorala Rilana Cadruvi, ils augsegners gidonters sur Alexi e sur Giusep e la gruppa liturgica indigena ein responsabels per la liturgia en nossa Val. In grond engraziament a sur Giusep ch'el sustegn vinavon nossa gruppa liturgica indigena.

## **Collavuraziun cun l'Uniun da dunnas, il chor baselgia Medel e la giuventetgna**

Nossa pleiv vegn sustenida bein da nossas uniuns. L'Uniun da dunnas, il chor baselgia Medel e la giuventetgna sustegnan nus en special. Il Chor baselgia Medel embellescha las messas da fiasta ed auters survetschs divins, l'Uniun da dunnas segida en baselgia cun candeilas, sogn ieli, lavur en communitad e culs seniors. L'Uniun da giuventetgna embellescha las processions cun la parada. La suprastonza engrazia en num da tuttas parochiantas e tuts parochians per la buna collavuraziun.

## **Rapport ugau 2025**

Igl onn vargau havein nus fatg pliras lavurs da manteniment vid ils baghetgs da nossa pleiv.

### **Casa parvenda Curaglia:**

Entras in transport cun in auto da vitgira ei la seiv dil curtgin dalla casa parvenda vegnida donnegiada. Tala ei vegnida sanada ed ils cuosts ein vegni surpri dil caschunader. Plinavon ha la pegna d'ieli giu in disturbi che ha basignau il montader specialisau da Meier Tobler, il qual ha procurau che nos locataris han puspei giu in cauld da casa.

### **Casa parvenda Platta:**

A Platta vein nus giu da remplazzar la platta cheramica per cuschar e la regulaziun dil scaldament da plantschiu en bogn ha era giu il basegns da renovar. Damai che quel fageva buca pli sia funcziun.

### **Baselgia s.Martin:**

Dami ch'il secuntener da pagar semida tier nossa populaziun, havein era nus adattau la pusseivladad da saver pagar las candeilas. Niev eis ei era pusseivel da far il pagament entras Twint cul telefonin sin moda digitala.

En connex cun il tetg ed il buliu supponiu ei vegniu fatg retschercas supplementaras e quei en collaboraziun cun igl uffeci da monuments, cun signur Andreas Egger e la dunna Dr. Insa Christiane Hennen dalla Tiaratudestga. Quellas han mussau ch'igl alv sco fibras ch'ei vesiblas mintgamai el spitg, sils isiarchels, deriva buca d'in buliu sco supponiu, mobein pli probabel d'extracts d'urin da miez miur e miez utschi. Tals secasan leu sur unviern. Tenor pareri ha quei negin ni mo fetg pign effect sin la statica dil tetg. Quei muossan las emprovas dil lenn ch'ei vegnidas controlladas el labor. Munta che grondas sanaziuns ein buca il cass. Nus tuts essan leds da quellas novas, in buliu el tetg havess giu sco consequenza ina gronda sanaziun dil tetg e cuosts enorms per nossa pleiv.

Baselgia s.Clau:

Era a Curaglia ei vegniu dau la pusseivladad da far ils pagaments dallas candeilas via Twint. Igl esch principal dall'entrada ei vegnius midaus sin ina siara automatica. Vul dir che la porta dat liber la siara automaticamein la damaun e la sera vegn ella arretada. Aschia savein schanegiar nossa calustra e nies caluster da quella lavur. Sco davos lessel admetter in grond engraziament a nossa calusters Alice e Pauli. Per vossa lavur en favur da nossas baselgias s.Clau e s.Martin. Engraziel zun fetg a vus dus.

## **Lavur da suprastonza**

La suprastonza dalla pleiv da Medel ha salvau igl onn 2025 treis sedutas.

Ils suprastonts han tematisau las suandontas fatschentas:

- La suprastonza ha buca president. Ils suprastonts han reparti la lavur sin els.
- La suprastonza ei sefatschentada vinavon cun las tractativas cun las pleivs vischinontas pertuccont organisar la liturgia ellas treis pleivs vischinontas. Ils pertucconts dallas treis pleivs ein secunvegni finanziamein e suttascret il contract dalla Regiun pastorala Sursassiala sin incarica dalla radunonza extraordinaria dalla pleiv da Medel. La suprastonza ei vegnida sustenida en caussa da Flurina Cavegn e da vicari general Peter Camenzind. La Rilana Cadruvi ei vegnida pladida, momentan en in pensum da 30% per la pastoraziun. L'entschatta dil contract munta al 1.8.25. Ils cuosts vegnan reparti cun 10% cumpart da sochel e silsunter tenor ils parochians. Ils cuosts totals per l'entira pastoraziun en tuttas treis pleivs ein momentan sin ca. frs. 170'000.- (Cuosts totals digl entir project per tuttas treis pleivs). Per nus munta quei ina summa da zatgei sut frs. 20'000.- e pli tard cun ina piazza da 100% per l'assistenta pastorala da ca. frs. 30'000.-. Il contract va inaga 3 onns. Silsunter dat ei ina seduta nua che la situaziun vegn analisada.
- Organisar l'inauguraziun dalla fossa comunabla sin senter.
- Organisar la radunonza generala.
- Sefatschentar dil plan da lavur pil 2025.
- La suprastonza ha elegiu Rico Bearth e Corina Bearth sco ugau ed ugedessa dalla caplutta da Fuorns.
- Organisar la sentupada da funcziunaris.
- Metter fil en guila culla collavuraziun dallas dunnas, giuventetgna e chor baselgia. Quei pertucca las spartas dallas fiastas, lavur per ils seniors e lavur per la communitad.
- Il tetg dalla baselgia S.Martin ei stau vinavon in tema en pleiv. La suprastonza ha fatg ils proxims pass e cunzun seschau cusseglar dalla Tgira da monuments.
- Organisar las messas entochen la stad. Silsunter ha la Regiun pastorala Sursassiala surpriu la bitgetta.
- La suprastonza dalla pleiv ha schau installar in indrez automatic da serrar la porta baselga da S.Clau duront la notg.
- Organisar igl andament ella pleiv.

La lavur da suprastonza ei stada fetg emperneivla ed efficienta. In grond engraziament a tuts consuprastonts ed als revisurs da quen.

## Maridaglias, naschientschas e mortoris

Uonn ha ei buca dau maridaglias tier nus.

### Survesta dils battens 2025

Diember	Prenum digl affon	Num	Adressa	Datum dil Batten	Liug dil Batten
1	Laurin Noah	Moser	Curaglia	05.01.2025	Segnas
2	Noel	Baumann	Samstagern	17.05.2025	Caplutta Nossadunna Fuorns
3	Nina Luisa	Pally	Curaglia	20.07.2025	Caplutta s. Giusep, Pali
4	Nuno	Deragisch	Buchrain/LU	02.08.2025	Caplutta s. Bistgaun, Mutschnengia
5	Valentina	Pelican	Vrin	10.08.2025	Caplutta s. Bistgaun, Mutschnengia
6	Lino	Venzin	Curaglia	09.11.2025	Baselgia Platta

### Mortoris:

Il zenn grond ha el decuors digl onn vargau annunziau **tschun gadas** la mort d'ina parochiana ni d'in parochian. Els ruaussien en pasch!

### Survesta dils mortoris 2025

	Prenum	Num	Datum da mort	Datum da naschientscha	Sepultura	Aug-segner
1	Paulina	Giger	22.02.2025	19.06.1935	08.03.2025	Sur Giusep Venzin
2	Theodosi	Giger	14.07.2025	10.01.1938	23.07.2025	Sur Giusep Venzin
3	Gabriel	Beeli	26.07.2025	25.08.1947	31.07.2025	Sur Giusep Venzin

4	Julia Amalia	Flepp-Beeli	22.09.2025	23.10.1936	04.10.2025	Sur Giusep Venzin
5	Maria Christina	Venzin-Pally	11.12.2025	21.03.1936	20.12.2025	Sur Giusep Venzin

### **Nossas ministrantas e ministrants 2025**

La Lorina Simonet ei momentan nossa suletta ministranta. Ad ella in cordial engraziament per survir avon igl altar da Diu.

### **Engraziament**

La pleiv funcziuna bein perquei che quels paucs che nus essan sustegnan in l'auter. Ei drova tuts. La suprastonza da pleiv admetta in grond Dieus paghi als augsegners, als officials e tuts che segidan en ina moda ni l'otra. In special engraziament admettein nus alla Rilana Cadruvi ch'ei la nova assistenta pastorala e ch'ei vegnida retschevida fetg bein dils parochians.

PLEIV DA MEDEL/LUCMAGN

La suprastonza

## **LAS AUTORITADS DALLA PLEIV MEDEL/LUCMAGN 2025**

### **Suprastonza da pleiv 2025**

President:	vacant
Secretaria:	Petronella Meier, Andiaast
Cassier:	Emil Pally, Curaglia
Ugau baselgia S.Clau, S. Martin	Arnold Flepp, Curaglia
Assessur	Gabriel Venzin-Marty
Revisurs da quen:	Alfons Venzin, Curaglia Susanna Venzin, Curaglia

### **Ugaus ed ugadessas dallas capluttas 2024**

Caplutta S.Brida, Biscuolm:	Placi Flepp, Curaglia
Caplutta S.Giusep, Pali:	Susanna Venzin, Curaglia
Caplut S.Carli Boromeus, Darein:	Gitta Pally, Curaglia
Caplutta S.Roc, Pardé:	Ciprian Giger, Pardé
Caplutta S.Gion Battesta, s. Gions:	Arnold Flepp, Curaglia
Caplutta S.Pieder e s.Paul, Soliva:	Claudia Pally, Platta
Caplutta S.Bistgaun, Mutschnengia:	Toni Venzin, Mutschnengia
Caplutta da Nossadunna, Fuorns:	Corina e Rico Bearth, Fuorns
Caplutta S.Giachen, Acla:	Martin Bearth, Fuorns
Statua S.Paul, Fravia:	Claudio Pally, Platta

### **Calusters, catecheta, organists**

Calusters Platta e Curaglia:	Alice e Pauli Deragisch, Curaglia
Calustra Fuorns:	Corina e Rico Bearth, Fuorns
Calustra Pardé:	Paulina Giger, Pardé
Calusters Mutschnengia:	Alice e Pauli Deragisch, Curaglia
Organista/organists:	Evelina Giger, Curaglia Claudio Simonet, Curaglia

### **Gruppa liturgica Medel cun gidonters e gidontras**

Gruppa liturgica Medel:	sur Giusep Venzin, Mustér Alice Deragisch, Curaglia Evelina Giger, Curaglia Ciprian Giger, Curaglia
Gruppa per nos seniors da Medel:	Maria-Tresa Venzin, Curaglia Paulina Giger, Pardé

Lecturas:	Alice Deragisch, Curaglia Gabriel Venzin-Marty, Curaglia Carla Giger, Pardé Ciprian Giger, Pardé
Rusari da morts:	Natalia Giger, Pardé Paulina Giger, Pardé Placi Venzin, Curaglia
Porta cafanun:	Duri Lutz, Pardé

### Augsegners gidonters:

- Sur Giusep Venzin, Pardé/Mustér
- Sur Alexi Manetsch, Mustér
- Sur Mathew Kurian, Mustér
- Paders dalla Claustra, Mustér

### Assistenta pastorala:

- Rilana Cadruvi, Trun

### Bilanza dils 31-12-2025 dallas capluttas dalla pleiv

	Entradas	Expensas	Stan dalla facultad	
			31-12-2025	31-12-2024
Caplutta s. Brida, Biscuolm	258.60	232.80	18'917.50	18'891.70
Caplutta s. Giusep, Pali	1'462.21	988.50	34'476.69	34'002.98
Caplut s. Carti Boromeus, Darein	2.57	-	2'679.12	2'676.55
Caplutta s. Roc, Pardé	1'206.14	905.00	16'411.50	16'110.36
Caplutta s. Gion Battesta, s. Gions	29.85	220.35	33'701.45	33'891.95
Caplutta s. Pieder e s. Paul, Soliva	795.10	485.90	9'530.16	9'220.96
Caplutta s. Bistgaun, Mutschnengia	759.85	1'723.25	35'747.38	36'710.78
Caplutta da Nossadunna, Fuorns	455.90	985.30	4'040.11	4'569.51
Caplutta s. Giachen, Acla	1'529.82	280.85	48'454.17	47'205.20
Statua s. Paul, Fravia				628.55

## Rendaquen 2025

### Pleiv catolica-romana Medel/Lucmagn

AKTIVEN		2025	%	31.12.2024
1000	Cassa	30.00		-.-
1020	BR CC 55431.61 (Pleiv)	36'526.75	5.7%	16'613.24
1025	BR CDS 55431.90 (Pleiv)	536'440.27	83.9%	531'122.20
1100	Dabiens generals (Pleiv)	65'102.80	10.2%	62'387.75
1176	Dabien taglia anticipada	926.19	0.1%	754.92
1400	RB Ant. (Pleiv)	200.00		200.00
1510	Mobilias ed apparats	1.00		1.00
1690	Beins Pleiv	1.00		1.00
<b>TOTAL AKTIVEN</b>		<b>639'228.01</b>		<b>611'080.11</b>

its revisurs: S. Venturi  
A. Deur

curaglia, 24-03-2026

## Pleiv catolica-romana Medel/Lucmagn

<b>PASSIVEN</b>	<b>2025</b>	<b>%</b>	<b>31.12.2024</b>
2000 Crediturs generals (Pleiv)	34'425.75	5.4%	29'781.15
2450 BR emprests	48'000.00	7.5%	50'000.00
2800 Fondo Baselgia s. Clau	114'947.34	18.0%	111'247.34
2808 Fondo Messas fundadas s. Clau	44'300.00	6.9%	48'000.00
2820 Fondo Baselgia s. Martin	112'383.88	17.6%	111'383.88
2828 Fondo Messas fundadas s. Martin	18'800.00	2.9%	19'600.00
2830 S. Martin contr./bunamanas sanaziun	2'790.00	0.4%	2'790.00
2850 Fondo s. Paul	628.55	0.1%	628.55
2900 Facultad dalla pleiv catolica-romana Medel	237'649.19	37.2%	218'599.12
Gewinn	25'303.30	4.0%	19'050.07
<b>TOTAL PASSIVEN</b>	<b>639'228.01</b>		<b>611'080.11</b>

ils revisurs: S. Venanz  
A. Bern

curaglia, 24-03-2026

## Pleiv catolica-romana Medel/Lucmagn

AUFWAND	2025	%	2024
4010 Stipendis da messas	1'400.00	1.5%	1'500.00
4110 Hostias/vin da messas/candeilas	1'410.50	1.5%	243.50
4150 Decoraziun	1'090.10	1.2%	1'383.95
5000 Paga plevon/gruppa liturgica	15'622.30	17.0%	12'069.50
5090 Paga secretariat	4'956.00	5.4%	4'956.00
5091 Spesas secretariat	1'945.25	2.1%	1'644.00
5100 Paga caluster	16'576.20	18.1%	16'576.20
5210 Instrucziun religiosa - extern	1'200.00	1.3%	1'200.00
5300 Contribuziun a uniuns	1'000.00	1.1%	2'050.00
5320 Contribuziun uniun da giuventetgna	750.00	0.8%	-.
5350 Paga organists	6'575.00	7.2%	6'140.00
5400 Paga suprastonza	2'640.00	2.9%	2'560.00
5450 Sedutas suprastonza	1'000.00	1.1%	1'472.65
5500 Paga archivar	180.00	0.2%	240.00
5700 AVS/Al etc.	2'230.45	2.4%	2'109.80
5730 Sgirada d'accident e malsogna	465.60	0.5%	513.60
5740 Segirada da responsabladad	202.65	0.2%	202.65
5820 Spesas da viadi / daner da km	455.80	0.5%	675.50
5880 Ulteriurs cuosts da personal	1'160.00	1.3%	1'100.00
6010 MR baselgias s. Clau	3'829.80	4.2%	1'156.75
6012 MR baselgias s. Martin	1'210.95	1.3%	1'340.80
6020 MR casa pervenda Curaglia	527.20	0.6%	-.
6022 MR casa pervenda Martin	-.		114.20
6300 Segiradas	5'497.30	6.0%	5'559.80
6400 Energia/scaldament	12'162.40	13.3%	8'844.65
6422 Casas pervenda	-.		1'426.40
6430 Aua/Dismessa	2'422.10	2.6%	3'295.75
6510 Telefon/internet	129.00	0.1%	199.70
6513 Porti	100.00	0.1%	100.00
6600 Diversas	3'307.80	3.6%	-.
6620 Homepage	175.65	0.2%	-.
6700 Ulteriuas expensas	-.		4'430.30
6900 Expensas tscheins da capital	1'477.50	1.6%	1'537.50
6940 Spesas da banca	49.20	0.1%	194.23
<b>TOTAL AUFWAND</b>	<b>91'748.75</b>		<b>84'837.43</b>

12.03.2026

-4-

## Pleiv catolica-romana Medel/Lucmagn

ERTRAG	2025	%	2024
3000 Taglia da cultus	72'346.85	61.8%	60'000.00
3100 Contribuziun Corpus Catholicum	12'700.00	10.8%	12'900.00
3500 Unfrendas s. Clau e S. Martin	4'529.75	3.9%	4'229.37
3509 Unfrendas pagau vinavon	-1'200.00	-1.0%	-1'990.40
3510 Candreilas etc. S. Clau e S. Martin	1'724.66	1.5%	1'326.76
3550 Donnaziuns/contribuziuns generalas	--		260.00
3560 Contribuziun per messas	290.00	0.2%	--
3600 Tscheins casa pervenda Curaglia	12'000.00	10.3%	12'000.00
3602 Tscheins casa pervenda Platta	10'800.00	9.2%	10'800.00
3650 Tscheins praus	805.00	0.7%	805.00
3690 Tscheins banca etc.	497.14	0.4%	2'611.87
3850 Diversas entradas	2'558.65	2.2%	944.90
<b>TOTAL ERTRAG</b>	<b>117'052.05</b>		<b>103'887.50</b>
<b>TOTAL AUFWAND</b>	<b>91'748.75</b>		<b>84'837.43</b>
Gewinn	25'303.30	21.6%	19'050.07

12.03.2026

*B*  
*AD*

-5-

## Rapport dils revisurs da quen per igl onn 2025

---

En nossa funcziun sco organ da controlla dalla pleiv da Medel/Lucmagn e sin fundament dalla constituziun e lescha da taglia dalla pleiv da Medel havein nus examinau en duas sesidas il quen da menaschi e la bilanza dalla pleiv cun la baselgia da s. Martin e la baselgia da s. Clau sco era ils quens dallas capluttas da nossa pleiv per igl onn 2025.

A caschun dalla revisiun dils quens han nossas damondas tschentadas per informaziun e controlla pudiu vegnir rispundidas per nossa cumpleina cuntentientscha.

Nossas controllas ein sebasadas sin entradas, expensas sco era sin activas e passivas da tut ils differents contos. Las quittanzas d'entradas ed expensas ein avon maun e registradas a moda survesevla. Tut ils tetels da valor ein vegni presentai e corrispundan cun las cudischaziuns.

Sin basa da nossas controllas fagein nus alla radunonza generala las suandontas propostas:

- **d'approbar il quen annual 2025 dalla pleiv da Medel cun integrau las baselgias da s. Martin e s. Clau sco presentaus e d'exprimer il beinmeritau engraziament al cassier.**
- **d'approbar ils quens annuals 2025 dallas capluttas cun admetter allas ugadessas ed als ugaus in sincer engraziament per lur engaschi.**
- **da dar scarica alla suprastonza ed als funcziunaris da nossa pleiv renconuschend la buna e cunscienziosa lavur prestada.**

Curaglia, mars 2026

Ils revisurs:



Alfons Venzin



Susanna Venzin

**Preventiv dalla pleiv Medel/Lucmagn 2026**

**Entradas**

	<b>Preventiv 2025</b>		<b>Preventiv 2026</b>
Taglia da cultus	<b>60'000.00</b>		<b>60'000.00</b>
Contribuziun corpus catholicum	<b>12'000.00</b>		<b>12'000.00</b>
Contribuziun baselgia S. Clau	-		
Contribuziun baselgia S. Martin	-		
Unfrendas/Candeilas S. Clau e S. Martin	<b>3'000.00</b>		<b>3'500.00</b>
Unfrendas pagau vinavon			<b>-1'200.00</b>
Candeilas etc.			<b>1'400.00</b>
Tscheins casa parvenda Platta	<b>10'800.00</b>		<b>10'800.00</b>
Tscheins casa parvenda Curaglia	<b>12'000.00</b>		<b>12'000.00</b>
Tscheins praus e baghetgs	<b>800.00</b>		<b>800.00</b>
Tscheins BR,conto current e carnet de spargn	<b>2'500.00</b>		<b>200.00</b>
Diversas entradas	<b>500.00</b>		<b>1'000.00</b>
<b>Entradas extraordinarias</b>			
<b>Total entradas</b>	<b>101'600.00</b>		<b>100'500.00</b>
<b>Surpli expensas</b>			

**Preventiv dalla pleiv Medel/Lucmagn 2026**

<b>Expensas</b>	<b>Preventiv 2025</b>	<b>Preventiv 2026</b>
Stipendis, hostias, candeilas, decoraziuns	3'000.00	2'900.00
Paga plevon	15'000.00	25'000.00
Gidonters en pastoraziun		
Calustra, Platta e Curaglia	16'600.00	16'600.00
Organists , Platta e Curaglia	6'500.00	6'500.00
Paga suprastonza/secretariat	7'600.00	6'500.00
Sedutas/spesas da suprastonza/secretariat	3'200.00	1'300.00
Scolasta da ductrina		
Pleiv s. Gions Muster instrucziun religiusa	1'200.00	1'200.00
Contribuziuns a uniuns	1'700.00	1'750.00
SVS segirada da vegls e survivents	2'200.00	2'300.00
Segirada d'accident e malsogna	850.00	600.00
Spesas plevon (auto e telefon)	800.00	200.00
Ulterius cuosts da personal	1'100.00	1'200.00
Material da biro, portos e telefons	350.00	350.00
BR, spesas conto current	300.00	300.00
Segirada d'inventari per baselgias e capluttas	3'000.00	3'000.00
Segirada da baghetgs GVG	3'200.00	3'200.00
Scaldament e forza electrica baselgias	9'500.00	11'500.00
Expensas baselgia s.Martin e s.Clau	7'000.00	4'000.00
Expensas casa parvenda Platta e Curaglia	4'000.00	4'000.00
Dismissa da rumians e auas piarsas	3'500.00	3'500.00
Tscheins passivs	1'500.00	1'500.00
Amortisaziun	2'000.00	2'000.00
Diversas expensas	3'000.00	3'500.00
<b>Total expensas</b>	<b>97'100.00</b>	<b>102'900.00</b>
<b>Surpli entradas</b>	<b>4'500.00</b>	<b>-2'400.00</b>
	<b>101'600.00</b>	<b>100'500.00</b>

Curaglia, mars 2026

il cassier: Emil Pally

**Plan da lavur 2026**

4	schaner	Buania, 3 s. retgs	Evelina, suprastonza
18	schaner	Perdanonza s. Bistgaun a Mutschnengia	parochians
23	fevrer	Seduta tuts ugaus per reveder quens baselgias e capluttas (capluttas era el rapport)	suprastonza, revisurs
1	mars	Di da suppa cun survetsch divin dil Plaid, silsuenter gentar organisaus dall'Uniun da dunnas	gruppa liturgica uniun da dunnas
4	mars	Seduta , preparaziun per la rg26	suprastonza
13	mars	Messa cun s. Ieli pils seniors, uncziun dils malsauns messa en baselgia Curaglia, silsuener refrestg en scoletta Curaglia cun l'Uniun da dunnas Medel/Lucmagn	refrestg uniun dunnas
16	avrel	Seduta	suprastonza
buc fixau	avrel/matg	Seduta comunabla, plan liturgic a Mustér, 2. semester 2025	secretariat
7	matg	Radunonza generala a Curaglia	parochians
21	zerc.	Perdanonza da Nossadunna sil cuolm Carmel cun Sontgilcrest ensemen, parada, chor	suprastonza fa apero pils parochians
28		Perdanonza s. Pieder e s. Paul a Soliva	parochians
9	uost	Perdanonza s. Roc a Pardé	parochians
21	venderdis	Activitad cun tuts funcziunaris	funcziunaris
30	uost	Perdanonza s. Giacun ad Acla, messa commemorativa pils defuncts dalla disgrazia dalla lavina avon 50 onns	parochians
6	sett.	Perdanonza caplutta Nossadunna a Fuorns	parochians
4	oct.	Fiasta dil s. Rusari, chor, parada	parochians
29	oct.	Seduta	suprastonza
buc fixau		Seduta presidents regiun pastorala	
buc fixau	oct./nov.	Seduta comunabla, plan liturgic Curaglia, 1. semester 2027	secretariat
8		Perdanonza s. Martin a Platta	parochians
6	dec	Messa cun Sontgaclau a Curaglia	parochians